

YEP inkubator poslovnih ideja

Javni poziv za učešće lokalnim zajednicama

u Programu razvoja preduzetništva

Projekat zapošljavanja mladih (YEP) koji podržava Vlada Švicarske, objavljuje poziv opštinama, gradovima i kantonima za **iskazivanje interesa za uspostavu partnerstva u realizaciji programa podrške mladim preduzetnicima na teritoriji svojih lokalnih zajednica.**

YEP program podrške preduzetništvu podrazumijeva podršku mladim kandidatima u jačanju preduzetničkih vještina, razvoju poslovne ideje, razvoju i testiranju prototipa proizvoda i/ili usluga, povezivanju sa ciljnim tržištima, te osnivanju i pokretanju rada poslovnih subjekata.

Iskazivanje interesa podrazumijeva spremnost lokalne zajednice za partnersko sufinansiranje programa podrške te mobilizaciju dovoljnog broja kandidata.

U 2018. godini, YEP program podrške će se izvoditi na ograničenom broju lokacija – maksimalno dvanaest.

Ovaj javni poziv otvoren je do 20.11.2017. godine do 12.00 sati.

Uvodne informacije

Projekat zapošljavanja mladih (YEP), se u Bosni i Hercegovini realizuje od 2008. Godine od strane njemačke konsultantske kompanije GOPA, uz podršku Vlade Švajcarske. Jedna od ključnih komponenti Projekta je podrška preduzetništvu, koja za očekivani rezultat ima osnivanje 60 novih *startupa do 2020. godine*, od čega polovina socijalnih preduzeća. Pod socijalnim preduzećima podrazumijevaju se poslovni (tržišno zasnovani) poduhvati koji na inovativan način rješavaju društvene probleme, npr. u oblasti zaštite okoline, kulturnih ili prirodnih vrijednosti, smanjenja nezaposlenosti i sl. Više informacija o Projektu zapošljavanja mladih dostupno je na www.yep.ba.

YEP inkubator poslovnih ideja, realizuje se kroz tri grupe aktivnosti:

1. Podršku socijalnom preduzetništvu i kreiranju novih radnih mjesta u poljoprivredi: U okviru ove inicijative, do sada su osnovane ogledne farme u Banjoj Luci, Tuzli i Sarajevu.
2. Podrška promociji inovacija u preduzetništvu koja se realizuje u saradnji sa međunarodnim Institutom inženjera elektrotehnike i elektronike (IEEE) i tehničkim fakultetima u BiH. Saradnja YEP i IEEE započeta je organizacijom YEP/IEEE Inovacijskog izazova 2016. Trenutno je u realizaciji drugi

inovacijski izazov (2017). U okviru ove aktivnosti uspostavljena su 42 tima sa 13 elektrotehničkih, mašinskih, ekonomskih i fakulteta informacijskih tehnologija iz Banja Luke, Bihaća, Istočnog Sarajeva, Mostara, Sarajeva, Tuzle i Zenice. Kao rezultat navedenih aktivnosti, do kraja ove godine očekuje se registracija 5 novih privrednih subjekata.

3. Podrška preduzetništvu u formi *lokalnih partnerstava za preduzetništvo i zapošljavanje u okviru koje se realizuje ovaj Javni poziv*. Očekivani rezultat ove aktivnosti je kreiranje podsticajnog okruženja za preduzetništvo u uključenim lokalnim zajednicama čime će se stvoriti uslovi za kreiranje novih firmi i otvaranje novih radnih mjesta.

Gore navedene aktivnosti provode se u saradnji sa javnim službama za zapošljavanje i usklađene su sa razvojem politika u oblasti aktivnih mjera zapošljavanja i samozapošljavanja.

Propozicije

1. Predmet poziva – Prijavom na ovaj poziv, zainteresovane opštine, gradovi, ili kantoni prijavljuju se za partnerstvo sa Projektom zapošljavanja mladih (YEP) u realizaciji programa *YEP inkubatora poslovnih ideja* u svojim lokalnim zajednicama.

2. Podnosioci – Ovaj javni poziv otvoren je za prijave:

- Organima lokalne uprave, odnosno opštinama i gradovima u Bosni i Hercegovini,
- Kantonima u Federaciji Bosne i Hercegovine

Kapacitet *YEP Inkubatora poslovnih ideja* na svakoj od lokacija na kojoj se program izvodi je do 25 učesnika (biznisa). Za osiguranje minimalnog standarda kvaliteta podnesenih ideja, na svakoj od lokacija se očekuje minimalno 50 prijava iz kojih će se odabrati aplikacije koje zadovoljavaju uslov kvalitete i koji će biti uvršteni u *YEP Inkubator*. Lokalnim zajednicama koje procjenjuju da neće moći osigurati 50 aplikacija, preporučuje se udruživanje sa susjednim opštinama/općinama/gradovima. Udruživanjem, troškovi podrške i raspoloživi kapaciteti se dijele na više lokalnih zajednica.

3. Model Saradnje – Partnerski odnos u inkubaciji poslovnih ideja odnosno realizaciji programa podrške preduzetnicima, između Projekta zapošljavanja mladih (YEP) i lokalnih zajednica (opštine, gradovi, ili kantoni) podrazumijeva:

- Obaveze Projekta zapošljavanja mladih (YEP):
 - Osiguranje većinskog dijela bespovratnih sredstava za realizaciju programa *YEP inkubatora poslovnih ideja*. Ukupni troškovi programa podrške, na bazi jedne grupe od 25 polaznika/biznisa, procijenjeni su na 50.000 KM po lokaciji (lokalnoj zajednici). Imajući u vidu očekivano učešće lokalne zajednice, doprinos YEP-a po lokaciji je do 35.000 KM. Eventualne grupe čiji troškovi budu značajnije odstupali od navedenog iznosa će biti predmet zasebnih pregovora sa partnerima u realizaciji.
 - Osiguranje stručnjaka različitih profila, potrebnih za realizaciju programa *YEP inkubatora*.
 - Koordinacija realizacije programa sa svim uključenim akterima
 - Direktna investicija u odabrane poslovne poduhvate, nakon njihove transformacije (registracije) u privredna društva ili obrte.

- Obaveze organa vlasti u lokalnoj zajednici:
 - Osiguranje minimalno 30% bespovratnih sredstava potrebnih za realizaciju programa podrške. Ukupni troškovi programa podrške, na bazi jedne grupe od 25 polaznika/biznisa, procijenjeni su na 50.000 KM po lokaciji (lokalnoj zajednici), te je očekivani doprinos lokalne zajednice minimalno trećina navedenog iznosa.
 - Osiguranje podrške u pristupu infrastrukturi (npr. sala za izvođenje obuke) potrebnoj za realizaciju programa podrške, ako je ista dostupna u lokalnoj zajednici.
 - Objava javnog poziva kandidatima za učešće u *YEP Inkubatoru poslovnih ideja* (naročito nezaposlenim osobama) te administracija procesa aplikacije i registracije u skladu sa odredbama tog Javnog poziva.
 - Osiguranje drugih vrsta podrške ukoliko su dostupne u lokalnoj zajednici (prostor u inkubatoru, podsticaji za preduzetništvo, spremnost na dugoročnu saradnju, itd.).

5. Postupak prijave – prijave je moguće podnijeti u periodu 25.10 – 20.11.2017. godine, dostavom pisma za izražavanja interesa, čiji format je dat u prilogu ovog Javnog poziva. Odluka o odabiru partnera – lokacija za realizaciju programa *YEP Inkubatora poslovnih ideja* biće donesena u roku od 7 dana od dana zatvaranja Javnog poziva.

6. Sadržaj podrške – Učesnici YEP inkubatora poslovnih ideja mladim preduzetnicima kroz sudjelovanje u inkubaciji poslovnih ideja mogu dobiti:

1. Stručnu podršku u jačanju preduzetničkih vještina
2. Konsultantsku (mentorsku) podršku u razradi i finalizaciji poslovnog plana
3. Ograničenu bespovratnu finansijsku podršku u izradi prototipa proizvoda ili usluge
4. Stručnu, mentorsku podršku u izradi prototipa proizvoda ili usluge
5. Podršku za prezentiranje ideje drugim investitorima
6. Investiciju – nakon uspostave startupa, zavisno od pokazatelja biznis plana, u okviru raspoloživog budžeta projekta.

Očekivani period trajanja podrške kroz *YEP inkubator* je 6 mjeseci. U slučaju startupa čiji izlazak na tržište zahtijeva duži period, moguć je dogovor oko kreiranja programa posebno prilagođenog konkretnim potrebama.

Po završetku programa *YEP Inkubatora*, poslovnim poduhvatima čiji komercijalni potencijal bude ocijenjen pozitivno, biće ponuđena investicijska sredstva i dugoročna mentorska podrška. U slučaju uspostave ovog partnerskog odnosa, dužina trajanja podrške nije ograničena.

Proces podrške


Priprema za realizaciju programa i inkubacija poslovnih ideja sastoji se od više ciklusa. Na kraju svakog ciklusa inkubacije, timovi koji su uspješno završili postavljene zadatke, prelaze u naredni ciklus:

1. Pripremna faza:
 - a. Objava Javnog poziva za učešće lokalnim zajednicama (25.10.2017)
 - b. Rok za iskazivanje interesa lokalnih zajednica (20.11.2017)
 - c. Potpisivanje ugovora o partnerstvu sa odabranim lokalnim zajednicama (01.12.2017)

- d. Objava javnih poziva zainteresovanim kandidatima u lokalnim zajednicama za učešće u programu podrške (decembar 2017)
2. Faza inkubacije poslovnih ideja
- a. Prva faza inkubacije poslovnih ideja. Podrazumijeva četverodnevni događaj za početnu procjenu ličnih kapaciteta, posvećenosti članova tima i kvaliteta poslovne ideje. Uspješan završetak ove faze zahtijeva:
- demonstraciju spremnosti za prihvatanje novih znanja iz oblasti preduzetništva,
 - minimalni komercijalni potencijal poduhvata, i
 - posvećenost članova tima realizaciji poslovne ideje.
- b. Ciklus inkubacije poslovnih ideja kroz jačanje preduzetničkih kapaciteta i validaciju poslovnih ideja. U ovaj ciklus uključuju se timovi koji su uspješno završili prvi ciklus podrške. Podrazumijeva dvomjesečni proces koji uključuje tri četverodnevna događaja i seriju zadataka za samostalni rad.
- c. Ciklus izrade detaljnog poslovnog plana. U ovaj ciklus uključuju se timovi koji su uspješno završili drugi ciklus. Podrazumijeva dvomjesečnu mentorsku podršku u definiranju svih elemenata biznis plana, uključujući i finansijske projekcije i očekivano vrijeme do postizanja održivosti.
- d. Proces izrade prototipa proizvoda/usluge. Proces se izvodi paralelno sa drugim i trećim ciklusom. Na izradi prototipa svojih proizvoda/usluga, preduzetnici generalno rade samostalno. Pored svog angažmana, u ovoj fazi preduzetnicima se mogu staviti na raspolaganje dvije vrste podrške:
- Ukoliko nabavka, montaža i/ili testiranje dijelova i opreme zahtijevaju sredstva koja tim na drugi način nije u mogućnosti osigurati, moguće je aplicirati za ograničena bespovratna sredstva. Dodjela ovih sredstava je uslovljena njihovom neophodnošću za realizaciju poduhvata. U svim slučajevima kada je to moguće, YEP će direktno vršiti kupovinu i učesnicima osiguravati potrebne komponente/opremu.
 - Ukoliko timu u procesu izrade prototipa proizvoda/usluge nedostaju stručna znanja, YEP će nastojati identificirati i osigurati mentore koji su zainteresovani i u mogućnosti doprinijeti razvoju prototipa.
- e. Javno predstavljanje razvijenih poslovnih modela na posebnom javnom događaju
3. Investiranje i dugoročna podrška. Poslovnim poduhvatima čiji komercijalni potencijal tokom evaluacije bude ocijenjen pozitivno, biće ponuđen paket dugoročne podrške koji uključuje mentorstvo (stručnu podršku) i investicijski paket (finansijsku podršku).

LOKALNO PARTNERSTVO ZA PREDUZETNIŠTVO I ZAPOŠLJAVANJE

MODEL PARTNERSTVA YEP-A I LOKALNIH ZAJEDNICA



TRAJANJE
INKUBACIJE:
6 MJESECI



TROŠKOVI
INKUBACIJE:
50.000 KM



BROJ KORISNIKA
PO LOKACIJI:
25 BIZNISA

Prilog Javnog poziva: Format Pisma za iskazivanje interesa

<Grad/Opština/Općina>

<Mjesto i datum>

Predmet: Pismo interesa za učešće u YEP Inkubatoru poslovnih ideja

U vezi sa Javnim pozivom lokalnim zajednicama objavljenim od strane *Projekta zapošljavanja mladih (YEP)* 30.10.2017. godine, ovim izražavamo interes <ime grada/opštine/općine> za učešće u YEP Inkubatoru poslovnih ideja na teritoriji naše opštine/općine/grada.

U skladu sa odredbama Javnog poziva, <ime grada/općine/opštine> je spremna osigurati traženo učešće u iznosu od minimalno <navesti iznos> KM. Bazirano na veličini lokalne zajednice i dosadašnjim iskustvima u realizaciji aktivnosti u oblasti preduzetništva, očekivani broj prijava kandidata za učešće u programu podrške je <navesti broj> zbog čega smatramo realnim očekivati formiranje grupe od minimalno 24 učesnika/biznisa.

Pored finansijske podrške, spremni smo, u saradnji sa predstavnicima YEP Inkubatora, preuzeti obavezu administracije procesa aplikacije i registracije kandidata za učešće u Programu sa područja naše <grada/općine/opštine>.

<Ukoliko grad/općina/opština u toku realizacije na raspolaganje stavlja dodatne resurse, navesti o kojim se resursima radi: npr. sala za izvođenje obuka, prostor u inkubatoru, itd.>.

U vezi sa prethodnim, spremni smo na potpisivanje Ugovora o saradnji sa Projektom zapošljavanja mladih (YEP) kojim će se precizirati uslovi i dinamika saradnje.

S poštovanjem,